

LIO, mi hefe, promotor, guia, principal ehempel, admirador y amigo di semper



Lio no tabata un homber grandi, pero el a bira y ta keda **UN GRAN HOMBER**.

Hamas mi por a pensa cu e mucha homber hoben cu a bini di Bonaire, cu a sirbi bruid di mi mayornan na aña 1938, cu den curso di bida, por a bira **mi hefe, mi profesor, mi promotor, mi guia, mi principal ehempel, mi admirador, mi amigo di semper**.

Mi tabatin e honor y e suerte di a conoce su famia y traha cu e genio aki durante hopi aña. **Lio tabata un enciclopedia** den tur sentido di palabra. Lio a siña mi masha hopi cos di bida, hopi riba

tereno literario, legio riba tereno cultural. Aunke semper mi tabatin interes den idioma y cultura, **Lio a instrui mi ampliamente y perfectamente** den e ramonan aki. Mi tabata **su estudiante pasivo, y toch activo** den tur loke e tabata planea y comunica cu nos pa haci.

Nunca ami a mira **e homber polifacetico aki rabia**. Al contrario, **e tabatin un pasenshi enorme** cu nos tur cu a traha cu ne. Semper **e tabata duna ehempel**: con por miho, con pa perfecciona loke nos ta ehecuta.

Mi ta sinti un duele grandi cu Lio a laga e mundo aki, pero tur **su actonan lo keda como ehempel bibo pa nos tur**.

Lamentablemente mi no tin contacto telepático cu ne mas, sino lo m'a comunica cu ne durante su dianan di preparacion pa bay cerca Todopoderoso.

Mi tin deseo di duna varios mil ehempel di e conocimiento y bondad di Lio, pero si mi cuminsa, mi no ta caba.

Pero mi kier caba di e siguiente manera.

Mi kier caba cu e dos prome frasenan di un poema cu Lio a compone masha hopi aña pasa. Y nan ta bisa asina: Y ora Dios bisa ta basta....., Nos kier yora.

Lio, drumi dushi. Y na henter famia di Lio, hopi fortaleza y conformidad. Boso tin e satisfaccion di ta famia di un gran homber, un gran Flamingo Arubiano.

Bida ta dushi, y pa esun cu muri ... morto tambe.

Ito Tromp
27 di december 2014.

